



Rasvijetljeno krivično djelo razbojništva

Dana 17.01.2023.godine u **19,53** sati u ulici **Hasana Sušića**, općina **Centar** Sarajevo, od strane dva NN lica izvršeno je krivično djelo razbojništva nad uposlenicima u prodavnici “Konzum”. Tom prilikom NN lica su uz prijetnju **pištoljem** otuđila **određenu sumu novca**, a zatim se udaljila u nepoznatom pravcu. O prednjem je obaviješten dežurni tužilac Kantonalnog tužilaštva Kantona Sarajevo. Radeći na rasvjetljavanju navedenog krivičnog djela, policijski službenici su došli do saznanja **o mogućim izvršiocima**, te da se nalaze u kući vlasništvo N.H. u ulici Panjina kula, općina Centar Sarajevo. Na osnovu naredbe Općinskog suda u Sarajevu izvršen je pretres navedene kuće i pratećih prostorija, kojom prilikom su pronađena lica: S.H., rođen 1995.godine u Sarajevu i E.H., rođen 2001.godine u Sarajevu, gdje su i nastanjeni. Također su pronađeni i oduzeti predmeti koji se mogu dovesti u vezu sa pomenutim krivičnim djelom, a kod E.H. je pronađena i oduzeta određena količina opojne droge. Na kolovozu ulice Ismeta Mujezinovića, općina Centar Sarajevo, pronađena je i izuzeta jedna kapa tzv. “fantomka”. Dana 18.01.2023.godine u 02,50 sati, S.H. je lišen slobode, zbog postojanja osnova sumnje da je počinio krivično djelo iz člana 289. stav 1. KZ F BiH (Razbojništvo), a E.H., zbog postojanja osnova sumnje da je počinio krivična djela iz člana 289. stav 1. i člana 239. stav 3. KZ F BiH (Razbojništvo i Posjedovanje i omogućavanje uživanja opojnih droga) i predati u prostorije za zadržavanje osoba lišenih slobode MUP-a Kantona Sarajevo. Policijski službenici nastavljaju kriminalističku obradu nad navedenim licima.

18.01.2023